

佛說一切如來真實攝大乘現證三昧大教

王經卷第二十八

川五

宋西天三藏朝奉奏試先根師傳法大師施護等奉譯

一切如來真實攝一切儀軌最上祕密廣大
教理分第二十五之餘

復次金剛手菩薩摩訶薩宣說諸部法三昧
成就教理謂先通說一切如來法三昧成就

教理頌曰

念佛三昧法成已 此說金剛中金剛

微妙金剛法相應 即得最上佛成就

此佛所說覺智法門

如來部法三昧成就教理

金剛薩埵三摩地 觀想微妙金剛性

得成金剛薩埵尊 金剛薩埵故此說

此佛所說金剛薩埵法門

金剛部法三昧成就教理

川五

於降三世勝相前 隨念彼尊亦復然
吽吽吽此稱時 即得無上法成就

此佛所說降三世法門

蓮華部法三昧成就教理

所有調伏世間相 觀想微妙金剛性

林般林般此稱時 卽得最上法成就
此佛所說法金剛法門

寶部法三昧成就教理

一切義成就勝相 觀想微妙金剛性

悉般悉般此稱時 最上義利得成就

此佛所說法寶法門

如上是爲諸部法三昧成就教理

復次金剛手菩薩摩訶薩宣說諸部妙法智
成就教理謂先通說一切如來妙法智成就

教理

妙法本來無文字 三摩地智所出生
而彼諸法諸相門 此說是爲無生相
如是祕密印法用 智者彼中應觀想
一切文字智莊嚴 利那得成善逝果

此佛所說一切如來妙德法門
四五
如來部妙法智成就教理

欲知諸如來真實 應當淨信此深經

若持若讀信生時 得彼無上法成就
此佛所說金剛薩埵法門

金剛部妙法智成就教理

爲利罪業有情故 如佛教勸善施作
破惡祕密法成時 諸惡有情偏調伏

此佛所說金剛部法門

蓮華部妙法智成就教理

本來自性皆清淨 此說乃爲第一義

是中觀想法無初 速得諸法性成就

此佛所說觀自在法門

寶部妙法智成就教理

廣施有情諸財利 普令圓滿諸意願

此爲寶部施法門 觀想速得勝成就
此佛所說法寶法門

如上是爲諸部妙法智成就教理

復次金剛手菩薩摩訶薩宣說諸部三摩地
羯磨成就教理謂先通說一切如來三摩地

羯磨成就教理

諸佛三摩地羯磨 是即成佛菩提者

此中諦意觀想時 即得最上法成就

此佛所說覺智法門

如來部三摩地羯磨成就教理

金剛薩埵三摩地

是即廣大勝事業
巧施作利諸有情

此中觀想得成就

此佛所說金剛法門

金剛部三摩地羯磨成就教理

普爲清淨罪業故 乃作能摧諸罪者

起諸有情破惡門 生淨信者得成就
此佛所說金剛出生法門

蓮華部三摩地羯磨成就教理

自先清淨一切罪 廣爲一切作淨已

然後起諸羯磨門 此中觀想得成就

此佛所說蓮華法門

寶部三摩地羯磨成就教理

諸貧匱者諸所求 悉令意願皆圓滿

我施一切諸義成 此中成就無疑惑

此佛所說金剛寶幢法門

如上是爲諸部三摩地羯磨成就教理

復次金剛手菩薩摩訶薩宣說諸部微妙智
成就教理謂先通說一切如來微妙智成就

微妙金剛法常住 一切修習依法用
教理

是中諸相悉具圓 即得五種神通法

此佛所說覺智法門

如來部微妙智成就教理

非阿闍梨非弟子 或復別異諸學者

不應開示密印門 及此祕密成就法

此佛所說執金剛法門

金剛部微妙智成就教理

微妙金剛勝法用

鼻端吽字法相應

金剛忿怒等持門

一切所作皆成就

此佛所說金剛法門

蓮華部微妙智成就教理

微妙金剛勝法用

作金剛視法相合

廣大蓮華等持門

即得妙愛法成就

此佛所說蓮華妙愛法門

寶部微妙智成就教理

微妙金剛勝法用

作光明視極微妙

金剛大寶等持門

得成召集諸財者

此佛所說金剛手法門

如上是爲諸部微妙智成就教理

復次金剛手菩薩摩訶薩宣說諸部眼智成

就教理謂先通說一切如來眼智成就教理

若印契若三摩地 二種成就法相應

其猶空界淨無瑕

衆星煥曜而觀察

智者於彼善了知

我此觀察即佛眼

從是已後佛世尊 一切儀軌得成就

川五此佛所說覺智法門

如來部眼智成就教理

彼一切相無所有 若情若器亦復然

而彼影像隨生時 即於虛空界中見

世間若來若去相 金剛眼觀悉清淨

此了知已供養時 即得無上法成就
此佛所說金剛薩埵法門
金剛部眼智成就教理

智眼乃於空中見 左右順次而旋轉
速疾於其虛空中 還見如雲而動散

見已彼無動散相

智印元從金剛生

彼等諸印持結時

即得智印眼成就

此佛所說金剛法門

蓮華部眼智成就教理

所有黑白及赤黃 見是四色光輪相

由彼秘密加持因 即得金剛眼成就
此佛所說觀自在法門

寶部眼智成就教理

虛空中如寶形相 如彼金等衆珍寶
由於空中觀見時 即得虛空眼成就
此佛所說金剛藏法門

如上是爲諸部眼智成就教理

復次金剛手菩薩摩訶薩宣說諸部最上羯
磨成就教理謂先通說一切如來最上羯磨

成就教理

羯磨曼拏羅法用 供養一切佛聖尊
妙愛快樂勝報圓 相應即得佛成就
此佛所說覺智法門

此佛所說勝欲法門

如來部最上羯磨成就教理

祕密供養徧所作 我此妙愛當觀想
得彼最上法圓成 獲金剛愛勝威德

此佛所說勝欲法門

金剛部最上羯磨成就教理

祕密供養徧所作 我此忿怒當觀想
得彼最上法圓成 得與降三世無異

此佛所說金剛手法門

蓮華部最上羯磨成就教理

當知欲染皆清淨 諦意觀想法相應

即此相應自相門 以供養佛得成就

此佛所說觀自在法門

寶部最上羯磨成就教理

金剛高舉相合 頂禮心生於戰悚

復常歸命最上尊 即得勝妙灌頂法

此佛所說金剛灌頂寶法門

如上是爲諸部最上羯磨成就教理

復次金剛手菩薩摩訶薩宣說諸部羯磨三昧祕密成就教理謂先通說一切如來羯磨

三昧祕密成就教理

欲等一切勝妙樂 此常安住我心中

快哉利益有情門 離染應知隨宜說

今此羯磨三昧法

卅五 即彼如來三摩地

觀想供養佛世尊 即得最上法成就

此佛所說覺智法門

如來部羯磨三昧祕密成就教理

我次妙欲普賢性 常施一切有情樂

金剛薩埵等持門 即得供養法成就

此佛所說妙欲法門

金剛部羯磨三昧祕密成就教理

我此普賢忿怒法 爲諸有情作利益

金剛降三世法儀 即得供養法成就

此佛所說金剛手法門

蓮華部羯磨三昧祕密成就教理

我此普賢妙愛性 自獲一切勝妙樂

調伏世間妙相門 即得供養法成就

此佛所說金剛愛法門

寶部羯磨三昧祕密成就教理

我此普賢自在性 施諸有情大財利

一切義成妙相門 即得供養法成就

此佛所說一切義成就法門

如上是爲諸部羯磨三昧祕密成就教理

復次金剛手菩薩摩訶薩宣說諸部羯磨法

性最上成就教理謂先通說一切如來羯磨

法性最上成就教理

自三摩地被甲印 從右起至於正面

然後繫鬢頂間安 究竟常得善加護

此佛所說覺智法門

如來部羯磨法性成就教理

依法當於地中畫 善愛相及出生門

想其善愛者調柔 然後令彼生敬愛
此佛所說金剛手法門

金剛部羯磨法性成就教理

當以右手頭指甲 地中畫一夜又像
次想打擊彼眼門 此能鈎召善愛者
蓮華部羯磨法性成就教理

二手執持妙蓮華 觀察貪性本清淨

金剛觀視善愛者 得彼現前生敬愛
此佛所說法金剛法門

寶部羯磨法性成就教理

住金剛寶三摩地 二手執持金剛寶
寶吽字法若相應 能破一切善愛者

如上是爲諸部羯磨法性成就教理

復次金剛手菩薩摩訶薩宣說諸部施作事
業成就教理謂先通說一切如來施作事業
成就教理

供養羯磨法相應 隨所有事當觀想

即以彼印表相門 智者依法求成就

此佛所說覺智法門

如來部施作事業成就教理

秘密供養法相應

金剛薩埵三摩地

隨所有事依法儀

速得秘密語成就

此佛所說執金剛法門

金剛部施作事業成就教理

本部秘密大供養

忿怒三摩地作已

智者隨事觀想時 速得所作法成就

此佛所說金剛忿怒法門

蓮華部施作事業成就教理

住觀自在三摩地 意中想作供養已

智者隨事觀想時 得彼一切事成就

此佛所說蓮華法門

寶部施作事業成就教理

住金剛藏三摩地 香等供養施作已

智者隨事觀想時 刹那得彼諸成就

此佛所說金剛藏法門

如上是爲諸部施作事業成就教理

復次金剛手菩薩摩訶薩宣說諸部觀想印

契加持相應成就教理謂先通說一切如來

加持相應成就教理

微妙金剛勝法用 佛相應住等引心

最上悉地得成時 是爲佛印成就者

此佛所說金剛手如來法門

如來部薩埵加持相應成就教理

大哉薩埵一切身 一切普集我身住

我即薩埵此加持 如應觀想我成就

此佛所說一切如來大乘現證三昧金剛薩

埵法門

金剛部金剛加持相應成就教理

如其薩埵印亦然 即如其印我亦然

如是觀想法相應 當求一切印成就

此佛所說執金剛法門

蓮華部法加持相應成就教理

妙法印契諸法用 微妙金剛當觀想

一切皆是語印門 即大薩埵三摩地

此佛所說觀自在法門

寶部羯磨加持相應成就教理

彼一切佛灌頂法 供養三昧勝成就

金剛羯磨求所成。如應作此佛觀想。
此佛所說金剛羯磨法門。

如上是爲諸部觀想印契加持相應成就教

理。

爾時世尊一切如來又復雲集咸共稱讚具
德一切如來轉輪金剛手菩薩摩訶薩頌曰
金剛薩埵善哉者。金剛大寶復善哉。
善哉金剛妙法門。善哉金剛勝羯磨能
能善宣說此正法。無上金剛祕密乘
一切如來祕密門。大乘現證法中攝。

一切如來真實攝一切儀軌勝上教理分第
二十六之一

爾時金剛手菩薩摩訶薩即說頌曰

諸惡見者離貪者。此秘密法不相應。
以其利諸有情因。我於此法故宣說。

復次金剛手菩薩摩訶薩宣說諸部作用成
川五就儀軌謂先所說如來部作用成就儀軌
此中根本心作用成就儀軌者行人先當入
大曼拏羅普觀視已次應依法以香華燈塗
結彼印作供養事然後以金剛語起首持

誦其持誦儀者謂應隨處依法而住期滿四
月日日四時如教所說以香華燈塗諸供養
後以一切如來大乘現證三昧一百八名誦
念稱讚一切如來依彼四種禮敬法儀結四
佛印向於四方禮四如來奉獻已身承事供
養稱念如是四大明曰

唵引薩哩嚩合怛他引誠多一布引惹引毘
唵引薩哩嚩合怛他誠多一布引儒那祖波
薩他引合那引野二阿怛摩合喃你哩野合
怛夜引彌三薩哩嚩合怛他引誠多嚩日囉
嚩合薩埵引提底瑟蛇合莎舍咅

唵引薩哩嚩合怛他引誠多一布引惹引毘
刀引迦引野二阿怛摩引喃你哩野引
怛夜引彌三薩哩嚩合怛他引誠多嚩日囉
合囉怛那引毘詭左囉引
唵引薩哩嚩合怛他引誠多一布引惹引鉢
囉合嚩栗多合那引野二阿怛摩引喃你
哩野引怛夜引彌三薩哩嚩合怛他引誠
多嚩日囉引達哩摩合鉢囉合嚩栗多合野
捨引

唵引薩哩嚩合怛他引誠多一布引惹引葛

哩摩_二尼_二引阿引怛摩_二喃你哩野_二_合怛
夜_三引彌_三薩哩縛_二怛他_引識多縛日囉_二_合
曷哩摩_二酷_引嚕引捨_四

然後隨諸所欲諸飲食等隨意受用無所捨
離但爲求於自心成就當於自身佛影像前

十一

川五

諦意觀想隨其所欲以金剛語持誦心明滿

十二

八百徧如應所求速得成就
此佛所說金剛薩埵法門

若欲求彼最上悉地法者行人依法安布幘
像中畫世尊如來聖相次當依彼四大士曼

擎羅法用隨所愛樂色相莊嚴畫四大士安
處月輪其幘四隅畫本部賢聖如是畫已行
人當於彼幘像前廣設供養如教所說至心
持誦滿四月已然後竟夜持誦至明日時即
得一切如來真實等最上悉地之法

此佛所說執金剛法門

若欲求彼印成就者行人於幘像前當結一
切如來薩埵金剛印隨其意樂所求成就當
如教說不解是印以金剛語持誦大明滿百
千徧然後竟夜至心持誦若疲倦時暫當止

息如本法儀旋復持誦乃至最後熾盛光現
警悟發起語言表示然後行人開前印縛即
得隨欲色相隱身自在一切事業皆悉能作
於一切印成結中間如其所說一切成就
此佛所說執金剛法門

此佛所說金剛薩埵法門
若欲求羯磨成就者亦然依法持誦一月志
求成就然當最後竟夜持誦即得一切羯磨
成就

若欲求三摩地成就者先應觀想微妙金剛
後若三摩地門有所愛樂即以相應心明修
習先行期滿四月然後竟夜端直加趺正心
攝歛寂靜而住至明旦時即得如來等一切
三摩地成就現前圓滿然後隨所樂法皆得

次當宣說諸成就事業
諸有行人依法若誦大明一編即於自他洲
城聚落悉能衛護
若欲作諸幖幟警悟成就者行人當結甲胄
印契以牛頭栴檀香塗衆幖幟或復不塗亦

能成就所謂金剛杵鉤箭手相寶日輪幢齒
行列蓮華螺輪舌相羯磨杵甲冑牙拳印等
如是諸幖幟相依法所作悉能警悟

若欲加持物像成就者應當依法取孔雀尾
作拂以金剛杵破中成竅色線纏縛行人結

波薩埵金剛印執所成拂誦本大明依法加
持乃至得一切如來印契警悟於彼拂中見
種種相從是已後彼孔雀拂於行人身中依
法出現一切色相又復若以此孔雀拂加持
一徧動搖於身即能出現一切色相又復此

拂能現世間一切所應如幻事業又復此拂
能現一切佛菩薩像乃至十方一切佛刹所
有一切如來并其衆會降魔軍等佛神通業
諸變化事皆悉能現乃至佛身端嚴諸相具
足亦悉能現

川五

十四

又復若欲得敬愛成就者行人當結一切如
來薩埵印依法持誦乃至彼印熾盛光現即
法成就從是已後結前印時即得一切如來
來現其前作敬愛事況餘法耶

又復若欲求彼世間最上成就者行人應當

依法持誦期滿一月誦八千偈然後結印竟夜持誦乃至彼印熾盛光現即法成就從是已後若結前印即得世間最上持明成就此佛所說執金剛法門

如上是爲如來部作用成就儀軌

佛說一切如來真實攝大乘現證三昧大教
玉經卷第二十八